



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
OPĆINA CENTAR SARAJEVO  
OPĆINSKO VIJEĆE

**Broj:** 01-15-27/17

**Datum:** 6.10.2017. godine

Na osnovu člana 30. Zakona o lokalnoj samoupravi - prečišćen tekst („Službene novine Kantona Sarajevo“, broj 22/00), čl. 10 i 68. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04) te čl. 87. i 92. Poslovnika Općinskog vijeća Centar Sarajevo - prečišćeni tekst („Službene novine Kantona Sarajevo“, br. 23/04 i 11/13) Općinsko vijeće Centar Sarajevo, u nastavku Petnaeste redovne sjednice održane 26.9.2017. godine, razmatralo je Nacrt odluke o utvrđivanju javnog društvenog interesa za osnivanje pravnog lica za upravljanje i održavanje objekata u vlasništvu Općine Centar Sarajevo.

### Z a k l j u č a k

Općinsko vijeće je sa 16 (šesnaest) glasova „ZA“, deset „PROTIV“ i tri „UZDRŽNA“ glasa donijelo Nacrt odluke o utvrđivanju javnog društvenog interesa za osnivanje pravnog lica za upravljanje i održavanje objekata u vlasništvu Općine Centar Sarajevo.

Nacrt odluke o utvrđivanju javnog društvenog interesa za osnivanje pravnog lica za upravljanje i održavanje objekata u vlasništvu Općine Centar Sarajevo upućuje se u javnu raspravu u trajanju od 21 (dvadeset jedan) dan.

Učesnici u javnoj raspravi mogu biti političke stranke koje participiraju u radu Općinskog vijeća, vijećnici Općinskog vijeća, privredni subjekti sa područja općine Centar, savjeti mjesnih zajednica privredni subjekti i građani sa područja općine Centar.

Nacrt odluke o utvrđivanju javnog društvenog interesa za osnivanje pravnog lica za upravljanje i održavanje objekata u vlasništvu Općine Centar Sarajevo bit će objavljen na web stranici Općine Centar.

Svi prijedlozi i primjedbe iznesene u toku javne rasprave bit će dostavljene Općinskom vijeću na razmatranje i odlučivanje.

Predsjedavajuća Općinskog vijeća  
Karolina Karačić

Na osnovu člana 13. stav 1. alineja 16. Zakona o principima lokalne samouprave u Federaciji BiH („Službene novine FBiH“ br.: 49/06 i 51/09), člana 10. stav 1. alineja 2. Statuta Općine Centar Sarajevo – Prečišćeni tekst („Službene novine Kantona Sarajevo“ broj 23/04) i člana 2. Zaključka Općinskog vijeća o pristupanju izradi Elaborata o ekonomskoj opravdanosti osnivanja pravnog lica za upravljanje i održavanje objekata u vlasništvu Općine Centar Sarajevo, broj: 01-49-478/17 od 23.02.2017.godine, Općinsko vijeće Centar Sarajevo je, u nastavku 15. redovne sjednice održane 29.09.2017. godine utvrdilo

## **NACRT**

### **ODLUKU**

#### **o utvrđivanju javnog društvenog interesa za osnivanje pravnog lica za upravljanje i održavanje objekata u vlasništvu Općine Centar Sarajevo**

##### **Član 1.**

Utvrđuje se postojanje javnog društvenog interesa za osnivanje pravnog lica za upravljanje i održavanje objekata u vlasništvu Općine Centar Sarajevo, u skladu sa Elaboratom o ekonomskoj opravdanosti osnivanja pravnog lica za upravljanje i održavanje objekata u vlasništvu Općine Centar Sarajevo iz jula 2017.godine.

##### **Član 2.**

Pravno lice će obavljati djelatnosti od javnog društvenog interesa u okviru nadležnosti Općine Centar Sarajevo koje se odnose na upravljanje i održavanje objekata u vlasništvu Općine Centar Sarajevo, kao i obavljati druge djelatnosti u cilju osiguranja uvjeta za efikasnije i kvalitetnije djelovanje Općine, a sve radi zadovoljavanja osnovnih potreba građana, uključujući i djelatnosti neophodne za održivost pravnog lica.

##### **Član 3.**

Sastavni dio Odluke je Elaborat o ekonomskoj opravdanosti osnivanja pravnog lica iz člana 1. ove Odluke.

##### **Član 4.**

Ova Odluka stupa na snagu danom objavljivanja na oglasnoj ploči Općine Centar Sarajevo, a naknadno će se objaviti u „Službenim novinama Kantona Sarajevo“.

Broj: 01-49-2258/17

Sarajevo, 29.09.2017.godine



Predsjedavajuća Općinskog vijeća

Karolina Karačić